


## МЕСЯЦА ДЕКАБРЯ В 31-Й ДЕНЬ

### Преподобныя матери нашей Мелании Римляныни

Предписася же служба ея в 30-й день, занеже праздник отдается в 31-й день, и поется вся служба праздника единого.

 вечер обычная кафизма. На Господи, возвах: стихиры на 6, поемья на самый праздник. Слава, и ныне, самогласна: Августу единоначальствующу: Прокимен дне. Входа несть. Паремий не чтем. Таже: Сподоби, Господи: и ектенія: Исполним: На стиховне стихиры праздника со стихи их. Слава, и ныне, праздника. По Ныне отпускаеши: и по трисвятом тропарь праздника. Также ектенія: Помилуй: и отпу́ст. Святаго же, иже на ряду, поминаем на отпу́сте.

Полунощницу поем по обычаю с кафизмою, и тропари глаголем рядовыя, и молитву: Помяни, Господи, в надежди воскресения: и отпу́ст.

На утрени, на Бог Господь: тропарь праздника трижды. По кафизмах седальны праздника и чтение праздника. Канон первый со ирмосом на 8. Другий канон со ирмосом на 6, ирмосы обою канонов по дважды. Катавасия, ирмос первого канона, на сходе. По 3-й песни ипакой, глас 8: Начаток языков: По 6-й песни кондак праздника и йкос. На 9-й песни Честнейшую: не поем, но поем припевы праздника, якоже и на самый праздник. Светилен праздника единожды. Слава, и ныне, тойже. На хвалитех стихиры праздника на 4. Слава, глас 6: Егда время: И ныне, глас 2: Днесь: И славословие великое. По трисвятом тропарь праздника. Ектений, и отпу́ст, и обычное исхождение в притвор. И час 1-й. Тропарь и кондак праздника.

### НА ЛИТУРГИИ

Блаженны обою канонов песнь 9-я на 8. Антифонов же праздника не глаголем. По входе тропарь праздника. Слава, и ныне, кондак праздника. Таже, трисвятое. Прокимен, аллилуия и причастен праздника. Апостол и Евангелие дне.



**М** Аще ли случится отдание Рождества Христова в Неделю. На малой вечерни стихиры воскресны и Богородицы по обычаю.

На велицей вечерни: кафизма 1: Блажен муж: На Господи, воззвах: стихиры воскресны 3 и праздника 4, глас 2: Приидите, возрадуемся Господеви: и святых 3. Слава, святых, глас 6: Память совершаем: И ныне, праздника, глас 2: Августу единоначальствующу на земли: Вход, прокимен дне. На литии стихиры праздника. Слава, глас 5: Волсви персидстии: И ныне, глас 6: Ликуют Ангели: На стиховне стихиры воскресны. Слава, святых, глас 6: Священных память: И ныне, праздника. На благословении хлебов тропарь: Богородице: дважды и святых единожды: Благовествуй, таже чтение в Посланиих апостольских.

На утрени на Бог Господь: тропарь воскресен, дважды. Слава, святых. И ныне, праздника. По кафизмах седальны воскресны, и Богородичны их, и чтение во Евангелии толковом, Неделя по Рождестве Христове, таже непорочны, с тропари их, ипакой гласа и чтение праздника. Степенна, и прокимен гласа, и Всякое дыхание: Евангелие воскресно и Воскресение Христово: По 50-м псалме стихира воскресна. Канон воскресен со ирмосом на 4, и святых на 4, и праздника, оба канона на 6. Катавасия праздника, ирмос первого канона. По 3-й песни кондак святых, и икос, и седален их. Слава, и ныне, праздника. И чтение. По 6-й песни кондак праздника и икос. На 9-й песни поем Честнейшую: Светилен воскресен. Слава, святых. И ныне, праздника. На хвалитех стихиры воскресны 4 и праздника самогласны 4, глас 4: Веселитесь, праведнии: с припевы. Слава, святых, глас 8: Кровь и огонь: И ныне: Преблагословенна еси: Славословие великое. По трисвятом тропарь воскресен, ектении и отпуст. И оглашение Студитово. И обычное исхождение. И поем: Слава, и ныне: стихире Евангельскую и час первый в притворе. На 1-м часе тропарь воскресен. Слава, праздника. И ныне, Богородичен часов. По Отче наш: кондак праздника. На 3-м часе тропарь воскресен. Слава, святых. И ныне, Богородичен часов. Кондак праздника и святых, прменяюще, глаголем.

#### НА ЛИТУРГИИ

Блаженны гласа на 4 и праздника 1-го канона, песнь 9-я на 4, и святых, песнь 6-я на 4. По входе тропарь воскресен, и праздника, и святых. Слава, кондак святых. И ныне, праздника. Прокимен праздника и святых: Дивен Бог во святых Своих: Апостол к Галатам, зачало 200. Аллилуйя, праздника. Евангелие от Матфея, зачало 4. Причастен: Хвалите Господа: Другий, праздника.

**ЗРИ** Аще ли случится попразднство или отдание Рождества Христова в субботу.

В пяток вечера, на Господи, воззвах: Слава, и ныне, праздника, а Богородичен 1-й настоящего гласа не поем.